



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

30 Junii. Prid. Kal. Julii.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

hementer amem, & corde, ore, manu, oculis, toto corpore & animo, summæ dilectionis operibus me impendam, & superimpendam.

OMNES SANCTI, &c.
pag. 320.

S. MARIA, *cujus Quadragesimam Marianam S. Franciscus hodie inchoabat, usque ad festum Assumptionis tua perducendam. Vince, Domina, gulam meam. Doce me carnem hanc ad obsequia tua domare, subigere!*

S. MARIA novæ lucis, hoc die, Drepani, solenni supplicatione, ubique per iter in supplices tuos benefica, & in templo S. Juliani collocata; postea, in cæco illuminato, aliisque admirandis, gloriosa. *cujus in sinu sedens latus Parvulus, alterâ manu facem accensam tenet, cordibus accendendis; & in diademate scriptum gerit: S. MARIA novæ lucis. Accendat cor meum face sui amoris Parvulus tuus JESUS, te id mihi obtinente, ô Virgo potens, apud Filium omnipotentem: ita eris mihi Mater novi ignis, novi amoris, novæ lucis; igne veteri amoris proprii extincto, & novo igne accenso!*

30 Junii. Prid. Kal. Julii.

S. Anctæ Erendrudis V. Abbatissæ, magistra virtutis, mater pauperum, pedum, ac ulcerum lotrix;
ad

ad mensam plus divinis audiendis
colloquiis pasta, quàm cibo; cui,
sub mortem, frequens in corde,
frequens in ore, illud: *Mihi autem
adherere Deo bonum est, ponere in
Deo spem meam*: cujus post mortem
reliquiæ Henrico Imperatori vale-
tudinem integram reddidère: è cu-
jus hereditate quidpiam occupans,
in ipso perjurio, morte horrendâ
extinctus est. Misericordissima Vir-
go, illam mihi divinorum avidam
famem, ac sitim; illam Deo adhæ-
rendi voluntatem, illam adeò cor-
datam spem impetra; ut illud *ad-
herere Deo bonum*, sit mihi bonum
æternum; neque me à Dei adhæsi-
one avellat æternitas. Amen.

SS. Alpiniane, & Austricliniane.

Sancti Cai Presb. & Leo.

S. Basilides Martyr.

S. Lucina, Sanctorum ancilla,
& mater, hospitalitatis sanctæ
exemplar.

S. Æmiliana Martyr.

S. Ostiane Presb.

S. Theobalde, sanctissime pere-
grine, qui èt matrem tuam, ad so-
litudinem pro Christo incolendam,
pertraxisti; & novus Job inter do-
lores antequàm expires, terra mo-
tu insolito quinquies concussa est:
à mor-

à morte verò, energumenorum, ac ægrorum asylum.

S. Martialis Episc. à quo revocatus ad vitam adolescens, jussus ea, quæ in inferno vidit, narrare, surrexit, & dixit: *Infernus nullam habet mensuram. ibi est fletus, & amaritudo, tenebra, mugitus, planctus, tristitia magna, frigus, & ignis magnus & horribilis, & nunquam deficiens, morsus serpentum, foetor intolerabilis, putredo, miseria, & vermis, qui nunquam moritur. ibi sunt carcerarii infernales, qui animas flagris cruciant. quem morientem vox ad cælos invitans è cælo audita est, Angelis quoque hæc verba canentibus: *Beatus est, Domine, quem elegisti, & assumpsisti; habitabit in tabernaculis tuis in sacula saculorum!* Doce me, ut sciam vivere ab hoc vitæ reddito; & agere omnia è regulâ Æternitatis.*

OMNES. SANCTI, &c.

pag. 320.

S. MARIA, qua hodierno Arnulpho tuo ferè quotidie apparuisti; illum tua in calogaudia docuisti; illi JESUM parvulum porrexisti; ab illo Cordis nomine vocitata. Fac tu, Domina, in me omnia cordis officia: amet cor meum corde tuo Te, JESUM, SSS. Trinitatem, in aeternum! ORA-

ORATIONES JACULATORIÆ,
præcipuè tempore tentationis.

NOlo te offendere; quia amo Te
 super omnia: & ideò doleo su-
 per omnia; quòd Te hæctenus of-
 fenderim, Deus meus, & omnia.

Deus meus, mihi ubique præ-
 sens, & me videns, tuus sum ego:
 saluum me fac: defende me; ne
 perdam, imò, ut augeam, thesauros
 pretiosæ gratiæ tuæ.

Ave MARIA, ora pro me nunc,
 nunc, & in horâ mortis meæ. MA-
 RIA, Mater gratiæ, &c. Per sanctam,
 & immaculatam Conceptionem
 tuam, & per Virgineam Maternita-
 tem tuam, purissima Virgo, emunda
 cor meum, & carnem meam, in no-
 mine Patris, & Filii, & Spiritûs san-
 cti. Amen.

S. Paule, S. Antoni, S. Catharina
 Senensis, S. Thoma de Aquino, &
 omnes Sancti olim tentati, sed vi-
 ctiores, defendite, juvate me, ut
 vincam.

Sancte Angele mi Custos, & o-
 mnes Sancti, & Sanctæ Dei, defen-
 dite me contra infernum.

O vos felices in Purgatorio ani-
 mæ, juvate me, ut vincam; & ego
 grati animi tributum aliquod vo-
 bis pendam.

Deus,

552 ANNI CÆL. XXX JUN.

DEUS, in adiutorium meum
intende: Domine, ad adjuvandum
me festina. O quot sunt in inferno,
quos punis, ob tentationem simi-
lem non superatam! quot sunt in
cælo, quos coronas, ob tentatio-
nem similem superatam!

Mors, Judicium, Infernus, Pur-
gatorium, Cælestis gloria, omnia
mihi clamant, ut amem Te, ut ti-
meam Te, Deus: ut non audiam
tentatorem, sed Te.

Vince in me, Jesu: triumphâ in
me, & in tentatis omnibus, qui in
tot tentationes vincuntium Sancto-
rum cordibus triumphâsti; ut Te
amemus in æternum.

Veni sancte Spiritus, & emitte
cælitus lucis tuæ radium.

DEUS, qui diligentibus te facis
cuncta prodesse, da cordibus nostris
inviolabilem tuæ charitatis affe-
ctum; ut desideria de tuâ inspiratione
concepta, nullâ possint tentatione mu-
tari. Per Christum Dominum nostrum.
Amen.

Ad majorem DEI, DEIPARÆ, ac
Sanctorum omnium gloriam,
& ultimi agonis nostri so-
latium sanctum!